

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 460961 24 St  
Tuzla, 17.10.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „DEKOR“ društvo sa ograničenom odgovornošću Banovići, ul. Branilaca Banovića 34, Banovići, nakon provedenog prethodnog stečajnog postupka donio je dana 17.10.2024.godine slijedeće:

### **R J E Š E N J E**

**OTVARA SE stečajni postupak** nad imovinom dužnika „DEKOR“ društvo sa ograničenom odgovornošću Banovići, ul. Branilaca Banovića 34, Banovići, MBS: 1-350, JIB: 4209330030004, račun broj: 393393002250875804, otvoren kod UniCredit Bank d.d. Sarajevo.

Za stečajnog upravnika imenuje Senad Uzunić iz Tuzle. ul. Izeta Sarajlića 5c.

**ZAKLJUČUJE SE** stečajni postupak nad imovinom dužnika „DEKOR“ društvo sa ograničenom odgovornošću Banovići, ul. Branilaca Banovića 34, Banovići, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

### **O b r a z l o ž e n j e**

Rješenjem Općinskog suda u Tuzli broj 32 0 St 460961 24 St od 10.06.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „DEKOR“ društvo sa ograničenom odgovornošću Banovići, ul. Branilaca Banovića 34, Banovići, a za privremenog stečajnog upravnika imenovan je Senad Uzunić iz Tuzle, a sve temeljem člana 61. Zakona o stečaju ( Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 16.07.2024.godine. Iz izvještaja privremenog stečajnog upravnika proizilazi da je djelatnost društva bila završni radovi u građevinarstvu, koji obuhvataju izradu fasada, moleraj, keramičke radove i slično. Da je društvo poslovalo do 2020. godine, kada je poslovanje prekinuto usljed bolesti vlasnika i direktora društva, kada je ovaj sud donio rješenje o prestanku istog broj: 032-0-Reg-21-000161 od 05.02.2021.godine. Zatim, stečajni upravnik je utvrdio da je osnivač i direktor društva Izet Čeliković, da društvo nema zaposlenika, niti pokretne i nepokretne imovine. Društvo ne posluje jer su mu računi kod poslovnih banaka blokirani, a stečajni dužnik ne raspolaže imovinom kojom bi pokrio troškove stečajnog postupka i da stečajni dužnik nema poslovnih prostorija jer je prestao sa poslovanjem prije više od četiri godine, tj. da je poslovanje istog prekinuto i da ne postoji mogućnost nastavka poslovanja jer nema zaposlenika, potrebne opreme za rad, te da gubitak društva je navjerovatnije iznad visine

kapitala. Da društvo ima obaveze i to: za poreze i doprinose na plate u iznosu od cca. 1.033.464,80 KM, te obaveze prema drugim dobavljačima.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „DEKOR“ društvo sa ograničenom odgovornošću Banovići, ul. Branilaca Banovića 34, Banovići.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 23.08.2024.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 5.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 69/24 dana 04.09.2024.godine, oglasnoj tabli suda dana 26.08.2024.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija**  
**Antonela Đaković**

**POUKA O PRAVNOM LIJEKU:**

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.